



Universitätsbibliothek Paderborn

Biennii Peripatetici

Complectens Quæstiones Logicales Una Cum Institutionibus Dialecticis Ad
Antiquorum Recentiorumque Mentem Resolutas, Nec Non Juxta Modernam
Scholarum Peripateticarum Methodum Elaboratas & Explicatas

Kretz, Marquard

Heripoli, 1749

§. 2. An ab Individuis abstrahi possit rartio communis & univoca?

[urn:nbn:de:hbz:466:1-52248](#)

titate, & diversis accidentibus signatam, com-
modè explicari potest de principio individua-
tionis *extrinseco*, *arguitivè tali*, & *quoad nos*,
qui *rerum* *essentias* *intuitivè* non *videmus*, sed
eas per accidentia discernimus.

§. II.

*Utrum ab Individuis abstrahi possit ratio com-
munis & univoca?*

350. *Dico.* Potest abstrahi. *Ratio est.* Quia *omnia individua conveniunt in hoc*, quòd sint *individua*, quòd sint *indivisum in se*, quòd de *uno solo prædicari possint &c.* Sicut plures *homines conveniunt in hoc*, quod sint *animal rationale*. *Adverte*, hanc conclusionem intel-*ligendam tantùm esse de individuis inadæquatè* *spectatis*, sive *quatenùs præcisè individua sunt*. *Quod si verò individua adæquate spectentur*, sive ut sunt *hoc numero individuum*, illud *numero individuum v. g. Socrates, Plato &c.* Sic abstrahi ab illis ratio communis non potest, quia ratio individui à Socrate quà tali abstracta non nisi de uno Socrate prædicari potest. *Confirmant superiorem conclusionem S. Tho-*
más p. I. q. 30. a. 4. in Ⓛ. ubi docet, quod τὸ *Persona* sit conceptus communis respectu personarum divinarum. Joannes à S. Thoma, Hurtadus, qui *Disp. 5. Log. Sect. 7.* afferit, quòd hanc sententiam affirmet *major ac melior Philosophorum pars*.

351. *Obj.* Idem nequit esse ratio formulis *conveniendi & inconveniendi*; sed individua-
tio

tio est ratio formalis disconveniendi ; ergo nequit esse ratio conveniendi , & universale.
R. D. min. Individuatio contracta est ratio formalis disconveniendi. **C.** Individuatio abstracta. **N.** Petrus formaliter differt à Paulo per hoc , quod sit *hoc individuum* , Paulus sit *illud individuum* ; at non differunt inter se per hoc præcisè , quod quilibet eorum sit individuum. Ex his colligis , quod idem possit esse ratio formalis conveniendi , & disconveniendi *sub diverso conceptu*. **Si ais.** Nequit homo per differentiam specificam , nimirūm *rationale* , convenire cum bruto & disconvenire ; ergo nec Petrus per differentiam individualem poterit convenire & disconvenire cum Paulo. **R. N.** *Conf. Disp.* est , quia brutum nec nomen , nec rationem nominis per rationale importatam participat. Econtrà Petrus & Paulus participant idem nomen individui , & eandem hujus nominis rationem , cùm quilibet sit indivisus in se &c. **Si postules** ad quod universale pertineat ejusmodi ratio ab individuis abstracta ? **R.** reducitur ad *Proprium* , cùm sit unum aptum prædicari de pluribus specie vel numero differentibus in quale necessariò , ut si dicam : *Petrus est individuum* , *Paulus est individuum* , *Bucephalus est individuum*. In his autem prædicationibus : *Hoc individuum est individuum* , *illud individuum est individuum* , ad speciem reducitur &c.

352. Obj. 2. Si ab individuis abstrahi possit ratio communis , ergo etiam abstrahi poterit

terit ab hæcceitatibus; consequens admitti non potest; ergo nec antecedens. *Prob. Sequel.* Etiam hæcceitates convenient in hoc, quod sint hæcceitates; ergo ab iis quoque abstrahi poterit ratio communis hæcceitatis ut sic. *R.* cum P. Lingen: Poteris id omnino facere toties, quoties tibi placuerit, modò tibi, tuoque cerebro nullum afferas documentum quod lèdere in ejusmodi materia, quæ plus speculationis, utilitatis verò nihil, aut certè parum admodum habet, nemo æqui bonique consulet. *Si postules*, quid ergo abstrahatur in hoc casu, & à quo? *R.* abstrahitur ratio individuationis, quam actus attingit, ab hæcceitate individuationis, quam relinquit intactam. *Si inferas.* Ergo ratio communis individui erit universalis, & consequenter individuum erit Universale, quod implicare videtur. *R.* Hoc non magis implicat, quàm quòd ab hominibus singularibus abstrahi possit natura communis, quæ sit verum universale.

